



UNIVERSITÄTS-  
BIBLIOTHEK  
PADERBORN

**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

**Laymann, Paul**

**Dilingæ, 1666**

Capitvlm XIX. Constitutus.

---

[urn:nbn:de:hbz:466:1-62559](https://nbn-resolving.de/urn:nbn:de:hbz:466:1-62559)

sicut notauit Gl. in c. i. ver. noscatur de constit. in 6. & dixi in c. i. in not. 3. dicto 3. de rescript. Quomodo autem eiusmodi priuilegia in dubio interpretanda sint, videlicet plerumque strictè, ut quām minimū, salua proprietate verborum, iuri communi derogent; Item, quōd omnia Principis beneficia ita intelligi debeant, ut iuri alieno acquisito nihil præjudicij afferant, docui copiosè lib. i. moral. Th. tract. 4. c. 23. n. 5. & 6. & videri potest Felix. hīc n. 7. & seqq. Azortom. i. moral. Instit. lib. 5. cap. 23. q. 2.

Alia item ratio est de statuto particulari: Id enim frequenter contra ius commune editur; dummodo statuentes tali potestate prædicti sint. Quare licet verba statuti, si commode fieri possit, ita interpretari conueniat, vt cum iure communi consentiat, c. cūm dilectus 8. de consuetudine; non tamē ita, ut verba ad sensum improprium aut insolitum trahantur, prout per sensum cōtrarium colligitur ex eod. c. cūm dilectus, & notauit Abb. hīc n. 6. vbi ait, rescriptum institūtū non ea intentione prodire, ut aliquid addat communi iuri, quomodo interdum particularia statuta eduntur.

**4. NOTANDVM II.** Si concepto falso rescripti, aut legis intellectu, iudex processum iudicariū instituit, rescindi debet, aut irritus declarari, quatenus in eo erratum est: feci, vbi erratum non fuit. Ita sumitur ex textu, & docet Glossa in notandis, solum illud reuocatur, quod est illegitimè factum.

## CAPITVLUM XIX.

### Constitutus.

#### PARAPHRASI.

Paulus Clericus à Cælestino III. literas impetravit ad Decanum & Capitulum ecclesiæ Bituricensis, quibus mandabatur, ut ipsum Paulum in canonicum recipient, cīque præbendam, si vel tunc vacaret, vel proximè vacatura sit, conferrent. Cūm autem Capitulum mandatum implere neglexeret; idem Pontifex datis lite-

ris, quas vocant executorias, huius rei executores constituit. Interim mortuo Cælestino successit Innocentius III. coram quo controversia hæc iterum agitata, proponente in sui defensionem Capitulo, literas illas subreptitas fuisse, propter taciturnitatem veri, quandoquidem numerus Canonicorum in eccllesia Bituricensi iuramento confirmatus, & à Sede Apost. approbatus sit, cuius rei nulla in literis mentio fiebat. Hoc intellecto scribit Innoc. III. ad Archiepiscopum Senonensem, si intellexerit numerum canonicorum iuramento constitutum fuisse in eccllesia Bituricensi, priusquam Paulus literas executorias à Sede Apost. impetrasset, irritum esse declaret: quidquid earum literarum vigore factum fuerat. Sin autem alter se res habere compererit, videlicet numerum canonicorum eo tempore stabilitum non fuisse, tunc faceret illi in canonicum recepto præbendam, si vacauerit, assignari, sublato omni appellationis remedio.

S V M M A R I V M

1. Rescriptum gratia derogans ecclesiæ alicuius statuto iurato, nullā eius factā mentione, ipso iure irritum est; imo & illud, quod derogat in iurato statuto de certo numero Canonicorum.
2. Et si mentio fiat statuti, taceatur autem illud esse iuratum, rescriptum obreptitium & irritum censi debet.
3. Idem est, si taceatur ab impetrante in eō verum, etiam probabilit̄ ignoratum.
4. Arguens rescriptum ob taciturnitatem veri esse obreptitium, tenetur id probare.
5. Nisi intentionem suam super narratio fundatam haberet.
6. Ad cognoscendum, an rescriptum ob taciturnitatem veri sit obreptitium, inspicci debet tempus impetrationis, sūn datae literarum.
7. Ut rescriptum gratia iusticie, & dispensationis propter expressionem falsi non sit obreptitium, debet narrata in eo vera fuisse tempore impetrationis; sūn datae litterarum.

8. S.

2. Si rescriptum in parte principali propter obreptionem irritum sit, etiam eius pars accessoria irrita est.

**N**O T A N D V M I. Non valet rescriptum gratiae, seu ad beneficium consequendum, derogans Ecclesiæ alicuius statuto iurato, nulla eius facta mentione. Ita sumitur ex hoc c. & tradit Gl. in notandis, Baldus n. 9. Abb. n. 5. Atque esse ipso iure irritum, colligitur ex fine huius c. iun. Gl. ver. irritum degeneratis, & dixi suprà in c. cum aded 17. hoc tit.

Adde primò: Tametsi statutum de certo numero canoniconum iuratum non fuisset, nihilominus eius mentio fieri debuisset, sicut ex communī docet Anton. hic n. 5. & 6. Felin. n. 1. Imola n. 2. & dixi in c. 1. de rescriptis in fine, quod rescriptum gratiae aut beneficiale non deroget statuto ecclesiæ, nulla eius facta mentione; cum mens Pontificis non sit laudabili locorum consuetudini aut statuto præiudicium adferre, nisi exprimat, c. 1. de constit. in 6. Videri etiam potest Francus in c. ei cui, n. 5. de prab. in 6.

2. Adde secundò: Tametsi in literis Papæ mentio fiat statuti, si tamen taceatur, esse iuratum, obreptitiæ & irriti censeri debent, vti docet Baldus hic n. 9. Abb. n. 7. Imola n. 5. Felin. n. 3. cum ait, Statutum iurata non tolli per generalem derogationem statutorum; sicuti in simili tradit Gl. in Clem. vn. ver. pacta de se-pult. quod pactum iuratum non tollitur per clausulam. Non obstante pacto. Ratio dari debet; quia tametsi in eiusmodi statuto v.g. de certo canoniconum numero per iuramentum firmato, censeatur excepta auctoritas Superioris, vid. Papæ, vti docui lib. 4. Theol. moral. tract. 3. cap. 9. n. 4. in alter. condit. Salvo iure Superioris, tamen Papa difficulter solet statuto derogare, propter vinculum iuramenti; Quandoquidem duplex vinculum firmius est, quam simplex. Ideo que addi debet clausula derogatoria, non obstante statuto, etiam iurato, prout videre est in c. cum aliquibus 4. hoc tit. in 6.

3. NOTANDVM II. Rescriptum gratiae irritum sit propter taciturnitatem veri, etiam probabiliter ignorati ab impetrante. Quia

obreptio ista non tam vitiat rescriptum obculpani aut dolum impetrantis, quam ob defectum voluntatis in concedente; si videlicet probabiliter non concessisset, si rem plenè cogitam habuisset. Ita notauit Gl. in c. seq. ver. literas dedissemus, Anton. hic n. 5. Abb. n. 1. Thom. Sanchez lib. 8. de matrim. disp. 21. n. 56. & sumitur ex hoc c. quando Pontifex tantum respondet, attendendum esse, utrum numerus canoniconum iuramento decretus tunc fuerit, cum P. Clericus literas impetravit.

**N**O T A N D V M III. Circa verbum, si vobis 4 constiterit. Qui objicit, rescriptum obreptitiæ propter taciturnitatem veri impetratum fuisse, tenetur id probare: cum id sit fundamentum exceptionis seu oppositionis factæ contra rescriptum. Ita sumitur ex hoc cap. & docet Ioann. Andr. in c. vn. de litis contestat. in 6. Anton. hic n. 7. Abb. n. 2. & 3. Baldus n. 1. Imola n. 3. Dec. n. 1. At vero quod rescriptum obreptitiæ impetratum non sit per suggestionem falsi, impetrans probare debet; videlicet quod preces veritate nitantur, iuxta c. 2. de rescript. vbi id docui, & tradunt Abb. & De cius locis citatis. Idem Abb. in c. quia circa n. 3. de confeng. & affin. Petrus Rebuffus in tract. de rescript. & liter. regiis, in prefat. n. 56. argua. l. 1. ff. de probat. Ei incumbit probatio, qui dicit, seu affirmat aliquid actum, non qui negat. Sed bene limitat Rebuff. Si impetrans intentionem suam super narratis fundatam habet, non tenetur eam probare; sed aduersarius contrarium ostendere debet: Vt si parochus, in parochiæ possessione notoriè existens, impetraret rescriptum pro decimis intra parochiam existentibus, arg. c. 2. de restit. spoliatorum, in 6.

**N**O T A N D V M IV. Ad cognoscendum, 6 an rescriptum ob taciturnitatem veri obreptitiæ sit, necne, inspici debet tempus impretrationis, seu data literarum. Ita sumitur ex hoc c. iun. Gl. communiter recepta, ver. impetrasset, & tradit Abb. in cit. c. quia circa, n. 4. & in c. dilectus 27. n. 9. de prab. Quemadmodum hoc idem fit in iuribus seu obligationibus ex contractu, vt attendendum sit tempus, in quo contractum fuit. Quare De-

N. 2 cius

cius hic n. 2. Quod excipiens de taciturnitate veri, teneatur illud probare secundum tempus; Vid. statutum de certo numero extitisse tempore impetrationis: Siquidem agens, aut excipiens probare tenetur asserta cum omnibus qualitatibus, sine quibus intentio sua subsistere non potest.

7 Eadēmque ratione ut rescriptum obreptitium non sit propter expressionem falsi, necessariū est, narrata in referipto seu iustitiā, seu gratiae aut dispensationis, vera fuisse tempore impetrationis, seu data literarum, sicuti habetur in cit. c. quia circa 6. de consang. & affin. vbi causa ad dispensandū in consanguinitatis impedimento, videlicet proles nata, quæ Pontifici proposita erat, falsa dicitur: cum an se dispensationem obtentam, viam fuerit viae sa carnis ingressa. Videri potest P. Sanchez lib. 8. de matrim. disp. 30. n. 4. & n. 5. vbi admonet Ordinarios & Confessarios, quibus dispensationes à Sede Apostolica committuntur, ut precum veritatem cautè examinant: quia sacerdotē contingit, ut ea exsistere incipiatur post concessionem Romæ factam: Ut si allegetur, feminam famae iacturam passam esse ex frequente cum viro, cui nuptura est, conuersatione; infamia autem non nisi post tempus datæ dispensationis orta sit. Qua de re egi etiam in Theol. moral. lib. 1. tract. 4. c. 22. q. 2. Hic autem adiungo; Considerandum esse formam literarum, seu commissionis: quia interdum expediens sive mittens literas ipsomet non dispensat, sed iubet Commissarium dispensare v. g. super impedimentoo matrimonij, si persona vere pauperes sint; & rationabilis causa virgeus, videlicet scandalum, infamia, loci angustia, aut alia similis, tunc sufficit causas subsistere tempore dispensationis à Commissario faciendæ, argum. c. ei. cui, 29. de præb. in 6.

NOTANDVM V. circa verba, quidquid factum est occasione literarum, irritum decer-  
8 nat. Si rescriptum gratiae, seu beneficiale, propter obreptionem in parte eius principali irritum sit, etiam pars accessoria celeri debet irrita. Ita notavit Abb. hīc n. 5. Dec. n. 2. & allegatis his verbis c. Sanchez lib. 8. de matrim. disp. 21. n. 6. Nam principalis intentio.

Papæ fuit mandare, ut Pancratius in canonum recipereetur: quia vero Canonicus præbendā diu carere non debet, adiecit, ut si aliqua vacaret, vel proximè vacatura esset, eidem conferretur: Cum itaque principalis pars rescripti, propter tacitum statutum de certo numero canonicorum obreptitia fuerit, etiam altera pars de præbenda seu redditibus ipsi assignandis, & quidquid occasione literarum actum fuit, corruere debuit. Dixi de hoc in simili c. cum adeo 15. hoc tit. in fine, & videri possunt, quæ dicam c. ad audienciam 31. infra, eodem.

## CAPITVLVM XX.

## Super literis.

## PARAPHRASIS.

Dubium ortum fuit, quidam sentiendum sit de literis à Sede Apostolica impetratis per taciturnitatem veri, aut per suggestionem falsi. Et alij quidem sentiebant tale rescriptum omnino irritum esse, ut impertrans nullum ex eo commodum percipere posset. Alij autem dicebant, licet secundum formam à Pontifice præscriptam, quippe subreptitiam procedi non debeat, tamen iudices delegatos causam cognoscere, & sententiam ferre posse secundum formam aut ordinem iuris communis. Ad hanc dubitationem Resp. Innoc. II. distinguendum esse, utrum literæ cum taciturnitate veri, & suggestione falsi impetratae fuerint per malitiam & dolum impenetrantis; an vero per simplicitatem ac ignorantiam. Primo casu in poenam delinqutatis omnino irritæ censi debent literæ, ut postquam iudici dölus sufficienter demonstratus fuerit, supersedeat causa illius cognitione. In altero autem casu iudex attendere debet, num Papa, si falsitas suggesta non fuisset, aut veritas non occultata, nihilominus literas dedisset, licet non tali forma ac modo, tamen secundum formam iuris communis, tunc iudex nihilominus causam cognoscat secundum iuris